

Ochida dae s'amoradu, giustìtzia pro un'emigrada de Goni: a pustis de 15 annos s'ergàstulu



Anna Todde, nàschida in Goni ma residente in Torinu, at tentu giustìtzia a bìndighi annos dae s'ochisura sua, acontèssida in Àustria, in sa regione de sa Carìntzia, su 4 de mese de idas de su 2008: s'amoradu suo de tando, unu marochinu de 48 annos chi bias fintzas issu in su cabulogu piemontesu, est istadu cundennadu a s'ergàstulu.

Su fine pena mai est arribbadu pro Brahim Aboulakjam: issu, chi est inserradu in unu càrtzere Le Vallette de Torinu pro chistiones de droga, si fiat semper decraradu innotzente. Imbetzes sa beridade est essida a campu: est istadu issu cuddu sero de mese de idas a abrugiare cun sa benzina su corpus de Anna, in modu de burrare ogni rastru de su delitu. Ma no at fatu isceti custu. Issu si nche boliat de su corpus de cudda fèmina chi aiat mortu allupendedda e isparadu cun bator iscopetadas

Sa sentèntzia contra su marochinu est istada pronuntziada dae is giùighes togados e dae cuddos populares de Klagenfurt, su cabulogu de sa Corìntzia, cumpetente a trattare sa morte de Anna chi fiat istada ochida inie. Su pronuntziamentu no est istadu unànime. S'ergàstulu pro s'òmine de 48 annos est istadu detzìdidu dae sa majoria de sa Corte.

Anna Todde teniat 49 annos cando fiat istada ochida. In Torinu biviat in su bighinadu de Santa Rita. Su mortu suo torradu a chinisa fiat istadu agatadu in s'oru de su riu Drava, in sa tzitade de Völkermarkt dae unu tziclista. Su casu est istadu torradu a abèrrere un'annu a oe, cando su Dna de su marochinu est istadu cunsideradu cumpatibile cun sos rastros agatados in su corpus de sa fèmina originària de Goni.

Artìculu originale de Sardinia Post <https://www.sardiniapost.it/cronaca/uccisa-dal-fidanzato-giustizia-per-unemigrata-di-goni-dopo-15-anni-lui-allergastolo/>